



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
Savjet za lokalni ekonomski razvoj (SLER)**

Datum: 22. 8.2015. godine

**ZAPISNIK
sa četvrte sjednice Savjeta za lokalni ekonomski razvoj (SLER)**

Vrijeme sjednice: 22.8.2015. godine od 10.00 do 12.30 sati.

Prisutno 10 članova SLER i to: Predsjednik SLER (Općinski načelnik Suad Huskić); Predsjedavajući Općinskog vijeća; Direktor "TRA" Agencije za razvoj općine Tešanj (Ismar Alagić); Šef poslovnice Zavoda za zapošljavanje - Biro Tešanj (Muharem Berberović); Direktor "Nord Ent" d.o.o. Tešanj (Nazif Hamzić); Direktor "Ascom" d.o.o. Tešanj (Ibrahim Krdžalić); Predsjednik udruženja privrednika "Biznis centar" Jelah-Tešanj (Senad Brka-kao predstavnik); Predsjednica "Udruženje žena poljoprivrednica usorsko-tešanjskog kraja" (Ruža Vlajković); Pomoćnik općinskog načelnika za privredu, finansije, komunalne i inspeksijske poslove (Hamzalija Hojkurić), Direktor JP "RAD" Tešanj (Mirsad Šaranović); Direktor Mješovite srednje škole Tešanj (Muharem Saračević);

Odsutni: Direktor "Mann+Hummel" BA Tešanj (Mahmut Galijašević); Direktor "Hifa Oil" d.o.o. Tešanj (Venan Hadžiselimović); Direktor "Alpina Bromy" d.o.o. Tešanj (Suad Roša) i Direktor "Klas" d.d. Sarajevo (Rusmir Hrvić).

Ostali prisutni: Umihana Krličević-Omerović predstavnica TRA, Nermina Bešliagić i Mirnes Dedukić predstavnici Općine Tešanj.

Predsjednik SLER otvara treću sjednicu SLER, konstatuje da je na sjednici prisutno 11 članova i da postoji kvorum za rad, te čita predloženi dnevni red:

1. Usvajanje zapisnika sa treće sjednice SLER-a i informacija o realizaciji inicijativa sa prethodnih sjednica SLER-a
2. Plan aktivnosti na izradi plana zapošljavanja Općine Tešanj
3. Informacija o upisu učenika u srednje škole na prostoru općine Tešanj za školsku 2015/16 godinu
4. Informacija o realizaciji Sajama privrede Biznis 2015 Tešanj
5. Analiza stanja i potreba za dodatnim usavršavanjem radne snage u općinama Tešanj, Usora, Teslić, Doboju i Žepče
6. Informacija o usvojenim prostorno-planskim dokumentima općine Tešanj
7. Prijedlog novih inicijativa

Prisutni nisu imali prijedloga za izmjenu i dopunu dnevnog reda, te je jednoglasno usvojen predloženi dnevni red.

Tačka 1.

Usvajanje zapisnika sa treće sjednice SLER i informacija o realizaciji inicijativa sa prethodnih sjednica SLER.

Nije bilo sugestija na zapisnik i informaciju, te je SLER jednoglasno donio

ZAKLJUČAK

Usvaja zapisnik sa treće sjednice SLER-a i informacija o realizaciji inicijativa sa prethodnih sjednica SLER-a.

Tačka 2.

Plan aktivnosti na izradi plana zapošljavanja Općine Tešanj

Predsjednik SLER-a je otvorio diskusiju.

Ismar Alagić: Plan mora biti operativan. Nema informacija o radu tima koji je formiran prije skoro 9 mjeseci.

Hamzalija Hojkurić: Ovaj dokument je značajan, a mnogi ga se na višim nivoima vlasti „boje“, ali mi ćemo ga napraviti.

Muharem Berberović: Potrebno je što prije uraditi Analizu usklađenosti obrazovanja sa potrebama na tržištu radne snage, te apeluje na općinski radni tim da ubrza sa radom.

Nazif Hamzić: Potrebno je da djeca u osnovnim školama imaju viziju šta mogu da upišu i uče u srednjim školama.

Predsjednik SLER: Potrebni su konkretniji prijedlozi, za sad imamo diskusiju o Planu kojeg još nema.

Ruža Vlajković: Da se ugradi u dokument i da se pošalje dopis ZDK jer je zapostavljena poljoprivreda, poljoprivrednici nisu u radnom odnosu, nisu prijavljeni na osiguranje i nemaju radni staž.

Senad Brka: Reformskom agendom na nivou FBiH prema informacijama bit će obuhvaćeno 30.000 poljoprivrednika.

Predsjednik SLER: Treba se fokusirati na općinu Tešanj i to kako treba izgledati dokument.

Ibrahim Krdžalić: Potrebno je pomenuti i evidentirati dva resursa u vezi plana zapošljavanja, prvo je organizovan pristup ino – tržištu (Slovenija, Njemačka i dr.), a drugo je saradnja sa NVO sektorom kao npr. Projekat „Mladi na tržištu rada“ jer je dobra stvar koja može balansirati vladin i nevladin sektor.

Muharem Saračević: Ukratko objasnio da je komisija radila, da su urađeni upitnici i održavani sastanci ali da je bilo zastoja (ramazan, odmori i sl.).

Ismar Alagić: Ne znam ko je ovo radio, ali da bi se dobro uradilo trebalo je uraditi projektni zadatak.

Predsjednik SLER: Ovo je je radila TRA, a na osnovu usvojene metodologije koju je primjenjivala i općina Bijeljina.

Ismar Alagić: Nije upoznat, jer je bio na odmoru, ali ovo nije dobra polazna osnova.

Nakon diskusije SLER je **jednoglasno usvojio**

ZAKLJUČAK

Da se Plan zapošljavanja dopuni današnjim sugestijama, diskusijama i da se radnom timu dostavi današnji zapisnik.

Da TRA u roku 7 dana dopuni ovaj dokument.

Da Općinski načelnik u roku 15 dana formira radni tim.

Tačka 3.

Informacija o upisu učenika u srednje škole na prostoru općine Tešanj za 2015-2016. godinu

Muharem Saračević: Podaci su da u srednjoškolskom centru ima 2.000 učenika raspoređenih u 84 odjeljnja i da su kapaciteti popunjeni. Oko 99% učenika iz osnovnih škola upisuju se u srednje škole općine Tešanj, a preostali upisuju izvan Tešnja npr. vjerske škole i koledži. Smanjivanje broja učenika u školama sa područja općine Tešanj postoji, ali nije toliko evidentan kao na području teritorije ZDK, zbog čega se pojavljuje i višak radne snage u drugim općinama, te oni završavaju kao tehnološki višak i apliciraju u Tešnju na konkurse gdje imaju prednost pri zapošljavanju. Samim tim, radnici iz Tešnja

ostaju bez posla. Srednja škola ima saradnju sa ŠC Velenje iz Slovenije i učenici iz Tešnja idu na obuke gdje pokazuju dobre rezultate.

Predsjednik SLER-a: Korisno bi bilo da imamo pregled zvanja i zanimanja i da se to elektronski dostavi svim članovima SLER-a.

Predsjednik SLER-a: Podaci od prije 2 mjeseca pokazuju da je broj polaznika u prvim razredim u prosjeku zadnjih 10 godina.

Muharem Saračević: Neka zanimanja smo morali ugasiti, a neka kao što je mehanotronika postaju najtraženija te su se morala uvesti.

Nakon diskusije SLER je jednoglasno donio

ZAKLJUČAK

Prihvata se Informacija o upisu učenika u srednje škole na prostoru općine Tešanj za 2015-2016. godinu, ali da pregled zvanja i zanimanja elektronski dostavi svim članovima SLER-a.

Tačka 4

Informacija o realizaciji Sajma privrede Biznis 2015 Tešanj

Senad Brka: Upravni odbor Sajma privrede se potrudio da pozove mnoge zvanice pa su se tako odazvale mnoge banke, predstavnici Vanjskotrgovinske komore, političari, privrednici i druge zvanice. Od ukupnog broja izlagača 95% je bilo učešće firmi odnosno d.o.o. te 10% firmi izvan Općine Tešanj. Upravni odbor je već krenuo sa pripremama te je naredni sajam planiran u maju 2016. godine na lokaciji DC Kraševo, a tačan termin će se usaglasiti i sa Vanjskotrgovinskom komorom. Nova lokacija je bliža magistralnom putu kao i općinama Usora, Doboj i Doboj Jug. Očekuje se i veća podrška privredne komore FBiH. Zahvalnost JP Rač, Općinskom načelniku i Služi za finansije i privredu za realizaciju sajama u 2015 godini.

Ismar Alagić: Sugestija, sadržaj informacije je dobar, ali važan COBER projekat i predstavnici koji su bili na Sajmnu ne nalaze se u informaciji.

Senad Brka: Utvrđeno da ipak u Informaciji imaju podaci i o COBER projektu.

Nakon diskusije SLER je jednoglasno donio

ZAKLJUČAK

Prihvata se Informacija o realizaciji Sajma privrede Biznis 2015 Tešanj

Tačka 5

Analiza stanja i potreba za dodatnim usavršavanjem radne snage u općinama Tešanj, Usora, Teslić, Doboj Jug i Žepče

Umihana Krličević Omerović: Analiza je urađena u maju 2015. godine u okviru projekta „Uspostavljanje centra za obrazovanje odraslih. Izneseni podaci da je u ZDK 2800 privrednih društava u kojima je 68.000 zaposlenih, što je 17,5% od ukupno zaposlenih u FBiH.

Zaključci sa analize su:

1. U periodu 2013-2015. u svim općinama je smanjen broj nezaposlenih
2. Mladi u dobi 18-35 su spremni za dodatno usavršavanje
3. Ispitanici su spremni na saradnju sa TRA i to njih 91%.

Hamzalija Hojkurić: Prvo za analizu 5 općina mali je broj ispitanika. Drugo ova analiza kao i informacija o upisu učenika u srednje škole da se dostave općinskom radnom timu za izradu Analize.

Muharem Saračević: Prije od prilike 2 godine bio je pokrenut program obuke ali nije bilo podrške od strane udruženja privrednika, već se moralo pregovarati pojedinačno sa firmama.

Ismar Alagić: Izrađen je Priručnik od strane TRA i SMŠ, bez podrške Općine. Može se reći da su firme zamorene anketiranjem i postaju osjetljive.

Senad Brka: Radi se o broju od 18 firmi što je 8% od ukupnog broja.

Muharem Berberović: Potrebno je kontaktirati udruženje privrednika jer bi se prekvalifikacijama moglo puno doprinijeti.

Predsjednik SLER-a: Naslov Analize je široko postavljen, a fokus je bio na određenom zanimanju odnosno na radu sa CNC mašinama.

Ibrahim Krdžalić: Evidentan je problem informatičkog usavršavanja, ali podaci koje je dala anketa su kontradiktorni u odnosu na iskustva koja imam u firmi u obukama koje su vezane za informatiku. Čak obuku koja je u ranijem periodu realizovana 4 puta, sada je situacija da nastavak obuke nije planiran, jer nema zainteresovanih a nema ni podrške privrednika u sufinansiranju obuke.

Umihana: Trebalo je definisati da se radi o CNC mašinama.

Senad Brka: Ima li Centar za obrazovanje još negdje osim Tešnja.

Umihana: Ima u Žepču.

Hamzaliya Hojkurić: Generalno ova tema je bitna za naše područje i sljedeće godine da se ponovi ali da bude sveobuhvatnija analiza.

Nakon diskusije SLER je jednoglasno donio

ZAKLJUČAK

Prihvata se informacij (analiza) stanja i potreba za dodatnim usavršavanjem radne snage u općinama Tešanj, Usora, Teslić, Doboj Jug i Žepče.

Tačka 6.

Informacija o usvojenim prostorno-planskim dokumentima općine Tešanj

Predsjednik SLER-a: Pored upravljanja ljudskim resursima, kao najvažnijim resursom, upravljanje prostorom i prostorno planskom dokumentacijom je specifično i važno.

Nermina Bešliagić: Važnost zakonski propisa, namjene površina u općini Tešanj se ogleda kroz postojanje 10 prostornih planova od kojih se neki nalaze u analognom a neki u digitalnom obliku, obuhvata poslovnih zona, uzih gradskih jezgri, istaknuta potreba da se neki planovi noveliraju.

Predsjednik SLER: Općina Tešanj ima geografsko-informacioni sistem koji omogućuje da bilo ko i bilo gdje pristupi podacima.

Mirsad Šaranović: Raskrsnica na Jelahu je najgora rješenje jer problem saobraćaja se uvećao sa semaforizacijom.

Muharem Saračević: Vidljive su poteškoće u saobraćaju kako na Jelahu tako i u Tešnju.

Nermina Bešliagić: Postoje planovi iz 80-ih, a do sada su nastale velike promjene na terenu pa su potrebne promjene dokumentacije, ali i svaki plan košta bar 50.000 KM, a bude stvari koje su prioritetnije npr. Glinište i Bukva.

Predsjednik SLER: Konkretno problem raskrsnice na Jelahu, nadležnost Općine Tešanj je svega 5%, a preostalo upravlja Federacija i ZDK. Lično ubjeđenje je da trenutno rješenje raskrsnice nije dobro rešenje, a imamo lokale, prodavnice, policiju i dr. koji direktno izlaze na magistralu/regionalu. Općina Tešanj i JP RAD su imali probleme prilikom planiranja i radova na raskrsnici, jer nisu konsultovani od strane viših nivoa vlasti. Na magistralnom putu M4 u Tesliću urađen je kružni tok, te su uposlenici Općine Tešanj otišli u Teslić izmjerili kružni tok i pripremili prijedlog za raskrsnicu na Jelahu. Prijedlog je poslat u Federalno i kantonalno ministarstvo ali do danas nema odgovora.

Nermina Bešliagić: Vršene su analize i kada bi se uspjele izgraditi sporedne saobraćajnice time bi se smanjilo opterećenje na raskrsnici u Jelahu.

Nakon diskusije **SLER je jednoglasno donio**

ZAKLJUČAK

Prihvata se Informacija o usvojenim prostorno-planskim dokumentima općine Tešanj

Tačka 7.

Prijedlog novih inicijativa

Predsjednik SLER: Dostavljena je informacija o realizaciji ranijih inicijativa.

Senad Brka: Postoji potreba, a i spremnost firmi koje se nalaze na lokalitetu Ljetinić – Tešanjka gdje se nalaze firme sa svojim placovima; Metalskop, Inženjering, Kalim, Inter i drugi i da se na toj lokaciji asfaltira put ili da se uredi kao industrijska zona, čime bi se stvorili uslovi za nastavak na saobraćajnicu Općine Usora.

Predsjednik SLER-a: Ova inicijativa je zvanično stigla i na adresu Općine Tešanj, sa dva prijedloga:

1. Da se formira nova poslovna zona
2. Da se uradi infrastruktura uz učesće firmi.

Ova inicijativa je zabilježena, te nakon izvršenih analiza u narednom periodu će se dostaviti odgovor.

Ibrahim Krdžalić: Osjeti se potreba za edukacijom programera kao zanimanje. Obuka programera postoji u Sarajevu. Radi se o neformalnom obrazovanju učenika osnovnih i srednjih škola. Potrebna je i obuka tekstilnog smjera kao npr. VSS tekstilnog smjera, što je isticano i na ranijim sjednicama SLER ali to ne vidi kroz informaciju o inicijativama

Muharem Berberović: Medicinski tehničari uče engleski, možda bi trebali njemački zbog, te je potrebno da učenici više praksu rade u firmama.

Predsjednik SLER: Predložio da se inicijativa formuliše:

Da se kroz analizu obrazovanja dodatno analizira potreba za praktičnom obukom, kao i potreba učenja njemačkog jezika.

ZAPISNIČAR
Mirnes Dedukić

PREDsjedNIK SLER-a
mr.sc. Suad Huskić

